



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Oppiani Anazarbei De piscatu libri V**

**Oppianus <Anazarbensis>**

**Parisiis, 1555**

Oppiani De Piscibvs Lib. V.

**urn:nbn:de:hbz:466:1-12729**

Omnibus insidiis euertere, nulla relinquunt  
 Consilia, atque alias astu vertuntur ad artes:  
 Inficiunt vndas illi intra mœnia celsa,  
 Absumti tolerat bellum, morbumque, famemque:  
 Infectis pereunt indigno funere lymphis,  
 Atque replent urbem defuncta cadavera totam:  
 Sic morte immerita, & parca rapiuntur iniqua  
 Pisces letiferis compulsi in fata venenis.

OPPIANI DE PISCIBVS  
LIB. V.

**H**INC tibi nosse licet, terræ fortissime  
 princeps,  
 Quod nihil humana intactum soler-  
 tia linquit,  
 Nec ponto obscuro, nec sub tellure  
 parente.

Certe aliquis mortale genus sub imagine diuûm,  
 Siue adeo Iapeti proles astuta Prometheus  
 Humanas finxit gentes simulachra deorum,  
 Commiscens terram lymphis, & corda perunxit  
 Plasmate diuino: seu diro sanguine creti  
 Titanum: nostrum genus est à numine diuûm.  
 Paremus tantum superis: in uicta ferarum  
 Agmina prosternunt homines, qui corpore paruo,  
 Quot volucres cœlum cursu vel nubila findunt,  
 Tot capiunt. dirum non vis immensa leonem

N 3

Seruat, nec strepitus concussis liberat alis  
Armigeram volucrem magni Iouis, & fera nigra  
India quam gignit procero corpore vastam  
Imperium patitur, mulorum more coacta  
Ferre iugum, & plaustrī duros perferre labores:  
Et quæcunque tenent vndas immania cete,  
Viribus interimit. nam monstra horrenda natatum,  
Et maiora ferunt vndis Neptunia regna,  
Quam quæ gignuntur in terris monstra ferarum.  
Testudo in terra est, sed longe viribus impar,  
Et longe inferior dira testudine ponti.  
Sunt sicca tellure canes horrore timendi,  
Sed nequeunt rabie canibus certare marinis.  
Exitiale facit vulnus panthera tremendis  
Dentibus in terra, fluctu magis aspera ponti.  
Et nimis horrendæ terra versantur hyænæ,  
Sed multo præstant crudeli horrore marinæ.  
Est aries terræ mitis, natat æquore vasto  
Mitior, ut nequeas hunc assimilare priori.  
Ecquis vastus aper superabit robore lamnam?  
Quicquid fului præstant virtute leones,  
Quantum sub fluctu fertur præstare zygæna?  
Formidant phocas yrsi certamine toruas,  
Congressi phocis domitantur marte proteruo?  
Talia sub ponto gignuntur monstra ferarum:  
His tamen exitium tumidis meditatur in vndis  
Piscantium imbecille genus, domitantque natantes.  
Istorum prædam, & duros cantare labores

Fert animus, mentem nostris aduertite musis  
Induperatores placidi, pia robora terræ.

Plurima cœruleo sunt cete ingentia ponto,  
Quæ vastis membris immensa mole mouentur,  
Nec ponti emergunt fluctu, sed pondere pressa,  
Et nimia grauitate colunt spelæa profunda.

Esuriunt, rabiémque ferunt in pectore edendi  
Indomitam, ventris semper trahit alta vorago.

Quæ mensura cibi, quæ posset copia tanta  
Exaturare chaos ventris, vel ora replere?

Altera pereunt per mutua vulnera morte.  
Maiora interimunt semper virtute minora:

Inter se pastus, & ventris grata voluptas.

Formidant etiam naues, quando obuia cernunt  
Talia monstra maris, fulcantes marmor Iberum  
Fluctibus hesperiis. vbi sunt confinia magni  
Oceanii, fluctu deserta ingentia cete

Voluuntur pigre perituris nauibus æqua.

Sæpe alta errando veniunt prope littora ponti:  
Hic contra expediunt piscantes arma corusca,  
Omnia monstra maris, quæ vasta mole mouentur,  
Sunt tarda incessu, & nimia grauitate premuntur,  
Post habitis canibus, non longe immania cete  
Cernunt, nec falsas percurrunt æquoris vndas:  
Pondere magnorum membrorum tarda feruntur,  
Et lente æquoreo circumvoluuntur in æstu.  
Hac ratione comes cunctis, ductorque viarum  
Musculus est paruuus visu, sed corpore longo,

## OPPIANI

104

Et tenui cauda paulo semotus ab illo  
Præcedit, monstratque viam, ducitque per æquor:  
Hinc piscem vero ductorem nomine dicunt:  
Hic comes est monstro gratius, custosque fidelis.  
Qua velit hunc sequitur, solo confidit in isto,  
Huic fidam seruat mentem, propè porrigit artus  
Longos, & caudam facilem propè lumina ducit,  
Qua cuncta ostendit, fuerit si præda petenda,  
Siue malum immineat, seu sint vitanda propinqua.  
Huic vada, commota demonstrat singula cauda.  
Ac moles onerosa maris præcepta capessit,  
Et multum socio gaudet comitata benigno:  
Musculus est custos, auris, lumenque natantis  
Monstri, quo cernit lymphas, quo cuncta tuetur,  
Utque tueatur vitam, sibi ponit habenas.  
Ac veluti natus confecto ætate parenti  
Debitor officij iam præmia iusta rependit,  
Debilibus membris, caligantemque senectam  
Luminibus seruans, dextram prætendit eunti,  
Et mouet à cano cuncta impedimenta parente:  
Sic noua longæui patris sunt robora nati:  
Sic piscis pelagi monstrum deducit amore,  
Et veluti clavis tentis moderatur habenis  
A ventis nauem magnam, ducitque per æquor.  
Nunquid principio generis sunt sanguine eodem  
Creti, vel socium de legit sponte fidelem?  
Non tantum vastæ procero in corpore vires,  
Ingenium quantum prosunt: hic roboris expers

Immensum

Immensum seruat monstrum, vel mittit in orcum:  
Parvus homo atque vafer, postquam sunt pōdere tāto  
Cete, ductorem piscem compellit in hamum  
Artibus allectum variis, & fraude reuinētum.  
Non ponti monstrum viuo rectore domares:  
Hoc interfēcto, caperes certamine paruo.  
Non videt obscuras vndas, pontique meatus,  
Obvia non ponti valet euitare pericla,  
Exors consilij, nullo ductore per vndas,  
Quò ducunt fluctus, caligine fertur opaca,  
Obscuros penetrans tractus, atque auia ponti.  
Nam duce priuatus scopulos, & littora præceps  
Offendit, tanta caligant lumina nocte.  
Tunc animis properant pescantum robora promptis  
Ad prædam, & diuos votis precibūsque fatigant,  
Qui præsunt magnis cetis, ut sternere monstrum  
Neptuni valeant, & prædam ducere opimam.  
Ac veluti insidiæ media sub nocte propinquant  
Hostibus occulto, & curis somnōque solutas  
Excubias arcis noctae sub marte quieto,  
Cedunt, & sternunt custodum corpora passim:  
Hinc propere euadunt summa ad fastigia muri,  
Audacēsque locant flamas in arce micantes,  
Vrbis casuræ signum, torrēmque ferentes,  
Qui sit robustus iam prensæ malleus arcis:  
Sic tunc pescator fortis validasque cohortes  
Educit contra monstrum custode necato.  
Primo coniectant pondus, molēmque natantis,  
Piscis membrorum sunt hæc tibi signa futura:

O

Si fera Neptuni iactetur vertice ponti,  
 Et paulo emineat spina, vel vertice summo,  
 Immensum vasto non ferrent corpore monstrum.  
 Æquora: si dorso summa supereminet vnda,  
 Tunc non tam magnæ designat pondera molis.  
 Imbecille pecus gressu leuiore mouetur.  
 Linea multiplici texatur fune reuincta,  
 Et bene compactis nodis adstricta ligetur,  
 Se tanta extendens quanta sub naue rudentes,  
 Quæ non parua nimis, nec possit magna videri,  
 Sufficiat prædæ in longum porrecta superbæ,  
 Qui stent alterni mucrones cote politi,  
 Qui possint scopulos, qui possint findere rupes.  
 Curvatura delise circunducat vtrinque,  
 Obstruat ut vasti spatirosos oris hiatus.  
 Ferrea per multos orbes connexa cathena:  
 Extremum nodis multis deuinciat hamum,  
 Et quæ pestiferos dentes, rictusque repellat.  
 Et nodo in medio circli ducantur in orbem.  
 Inter se densi, qui vasta volumina monstri,  
 Et spiras vertant rapidas, ut corpore tanto  
 Erectum, nequeat curuatum rumpere ferrum,  
 Fœda cruentato conquassans ora dolore:  
 Sed texto implicitum laqueo teneatur vtrinque.  
 Post tristes curuis escas defigat in hamis,  
 Ut iecur aut humerum taurinum, pondere tanto,  
 Rictibus æqualis monstri qui possit haberi.  
 Piscantes acuunt fortes in bella secures,  
 Harpas, & gladios magnos, validasque triænas,

Et quæ conflantur duris incudibus arma:  
Et cymbā ascendunt, cui sint pulchro ordine trāstra,  
Si quid opus, nutu designant cuncta loquaci,  
Et taciti motu verrunt lata æquora paruo.  
Obseruant posita tacitura silentia lingua,  
Et vitant strepitus, nam si præsenserit artem  
Hanc moles onerosa maris descendit in imas  
Vndas, hi vanos frustra subiere labores.  
Cum prope commiscent diri certamina martis,  
A prora audaces demittunt æra recurua  
In pecus immensum pelagi, quod saltat ad escas  
Quamprimum visas, & ventri paret auaro.  
Irrumpens fatale malum deprendit in hamo,  
Cuius mucrones figuntur gutture lato.  
Vulnere terribiles exardet pronus in iras,  
Et quassat rictus contra indignatus acerbos,  
Et furit, atque gemit versans sub corde furores  
Ardentes, pelagi fundum se voluit in imum,  
Huic piscatores cedunt, funesque remittunt.  
Non vires hominis tantam conuellere molem,  
Et domitare feram inuictam, contraque trahentem.  
Ingens immensa traheret cum remige nauem  
Exagitata fera, & fundo demergeret alto.  
Funibus annectunt vtrces, ventoque repletos,  
Atque feram versus iaciunt in marmoris vndas.  
Illa dolore plagæ confecta irrumpit in vtrcs,  
Inuitosque trahit cupientes æquora summa.  
Postquam animo fessa est, fundum peruenit in imū:  
Stat fera terribilis fluctu, succensa furore.

O 2

Et velut acer equus cursu, summásque labore  
 Qui nactus metas duris terit ora lupatis,  
 Sanguinea fusus spuma, & defessus anhelat:  
 Sic fera respirat, cupientem stare sub vndis  
 Hi non permittunt vtres, ex æquore summo  
 Sese tollentes tumefacti flamine multo.  
 Tunc aliæ surgunt pugnæ, rictuque minaci  
 Incassum rapitur rursus, pellésque trahentes  
 Oppugnare cupit, quæ emergunt æquore summo  
 Viuis assimiles: hæc indignata sub vndas  
 Fertur, & in multos conuertit corpora flexus.  
 Hi refluè currunt tracti, pariterque trahuntur  
 Et nunc inuitè rapti, nunc spontè trahuntur.  
 Et veluti tracta findentes robora serra,  
 Ambo communi distendunt membra labore,  
 Et serra nauis properant absoluere transtra,  
 Vel, si quid nautis opus est, contendit uterque  
 Dentatum duri robur conuellere ferri:  
 Densati nunquam mutant vestigia dentes,  
 Atque secant sonitu celeres, refluique trahuntur:  
 Talia commiscet ponto certamina piscis,  
 Pellibus inflatis in partes raptus vtrasque,  
 Sanguineam eiestat sufflans super æquora sordem,  
 Atque dolore furens per pontum spirat anhelis  
 Flatibus, & tanto reboat sub flamine pontus,  
 Collisæque fremunt vndæ, furit æstus in altum,  
 Difficilem dicas boream stabulare sub vndis.  
 Sic moles furiosa maris per fluctus anhelat,  
 Sic densæ circum spiræ sub vertice vasto

Vndas incurunt altas, scinduntque meatus.  
Ac velut Ionij circuni parua hostia ponti  
Tyrrheno resonante freto media aspera porthmi,  
Voluitur à flatu rupes typhonis anheli,  
Flexibus immensis vnda exagitata tumescit,  
Et nigra vorticibus refluit distracta charybdis:  
Sic monstri flatu conuoluitur Amphitrite.  
Scissit tolluntur multo curuamine fluctus.  
Tunc aliquis curuam compellit remige cymbam  
Ocyus in terram veniens, atque æris adunci  
Funem littoreo vincit propè marmora saxo,  
Tanquam si funem nauis sub caute renectat,  
Et subito æquoreas versus gradiatur ad vndas.  
Cum iam plectendis monstri satiata cupido  
Pellibus, & finem voluendi terga labore  
Oppressus dederit, corda irritataquierint,  
Et iactet tumidas fatalia pondera pelles,  
Nuncius at palmæ primus mare profilit uter  
Piscantum tollens animos in munera prædæ.  
Præconem veluti tristi de marte regressum  
Vestibus indutum niueis, faciéque serena  
Iucundi socij non mœsta fronte sequuntur,  
Nunciáque expectant gesti præconia belli:  
Sic pescatores læti cum nuncius uter  
Confestim ex imo fluitat super æquora fundo,  
Atque alij emergunt ponto, qui immania monstri  
Terga trahunt, magno rapitur consumpta dolore  
Bellua, quæ miserum torquetur vulnere sæuo.  
Tunc pescatores audaci peccore naues

O 3

Remis impellunt, fit multus in æquore fragor,  
Et multus flatus tanta properante caterua,  
Quæ se se magno clamore in bella ciebant.  
Dicas horrendi martis spectare cohortem.  
Est tantus strepitus, & pugnæ tanta cupido.  
Clangorem exaudit longe de valle recurua  
Pastor villoſas ducens ad pascua capras,  
Vel qui ferales abſcindit robora pinus,  
Vel qui magnarum proſternit terga ferarum,  
Antonitus lati venit propè littora ponti,  
Et stans in scopulo turbato prælia fluctu,  
Et finem tantæ pugnæ, magnumque laborem  
Miratur, rapidus mouet hæc certamina Mauors.  
Hic validis palmis forti mucrone tridentem  
Concutit, iſte tenet forti venabula ferro,  
Hic curuam falce, rapidam vehit ille bipennem:  
Omnibus est armata manus, ferrisque ruentes  
Cædunt, impelluntque feram, vel vulnera figunt.  
Roboris oblitus cymbas in terga ruentes  
Euitare nequit piscis, nec pellere iactu  
Alarum, extremo fluctus molimine findit,  
Remigium, validas puppes, roburque virorum  
Impellit: velut aduersus cum flamina ventus  
In proram vertens aduersas concitat vndas,  
Atque in nauali reboat clamore, lacertis  
Dum remos quatiunt, & tanto marte laborant,  
Distillant multo fatalia vulnera tabo,  
Et foedant sanie fluctus: aqua sanguine ferueret  
Effuso, & glauci late rubet æquoris vnda.

Ac veluti torrens brumalis lapsus in aluum  
Fluminis vndosum, rubro de vertice montis  
Sanguineum rapido cœnum conuoluitur æstu  
Fluctibus admistum, late rubet æquoris vnda  
Puluere sub flavo, sanies velut æquore lato  
Apparet, rubro sic mista est vnda fluore,  
Confecto telis, & multo vulnere monstro,  
Sentinæ eiiciunt fluctum conamine magno  
Letalem, & vasti iaciunt in vulnera ceti,  
Qui veluti plagas ignis succedit hiantes,  
Et sicut ætheriis vibratus nubibus ignis  
A Ioue cœlesti cedit per marmora euntem.  
Hunc missi absunt ignes, multo magis vnda  
Æquoris exagitat flammis admista coruscis:  
Sic in difficiles plagas, & vulnera hiulca  
Sentina exhausti fluctus iaciuntur olentes,  
Cum domitum plagi piscem, vi etiūmque dolore  
Vestibulum ante ipsum, primoque in limine mortis  
Fata maligna ferunt, tunc sicca ad littora læti  
Deuictum voluunt, trahitur, miserabile visu,  
Inuitus multo corpus mucrone foratus,  
Letali nutans fato sub fine grauatus.  
Victores læti remis pœana canentes  
Festinant, resonat compulso remige pontus,  
Ac veluti quondam nauali marte dirempto  
Extemplo naues iunctas, hostesque trahentes  
Subducunt celeres cantantes munera belli,  
Remigiumque mouent lætum pœana canentes,  
Victoresque ferunt dulces ad sydera cantus,

## OPPIANI

112

Inuiti tristes capti sub marte trahuntur:  
Sic vastū atque immane trahunt ad littora monstrū:  
Quod cum littoribus curuis, terræque propinquat,  
Supremæ infelix occludit lumina vitæ  
Atque reluētatur, & fluctus verberat alis,  
Et veluti volucris, structa collidit in ara,  
Cum moritura nigræ capitur vertigine mortis.  
Quam cupid e quoreas móstrum remeare sub vndas,  
Robore iam languens, & membra soluta retentans  
Diffidit, trahitur grauiter per littus anhelans.  
Ac veluti nauem, cui sunt longo ordine transtra,  
Subducunt nautæ, quando instat tempora hyberna,  
Posteaquam tristi pelagi sudore refecti  
Rursus opus ponti repetunt, durosque labores:  
Sic monstrum immensis ducut ad littora membris,  
Quod toto vastos in littore porrigit artus,  
Horrendum visu, quantum tellure recumbens  
Occupat: hoc aliquis misera iam morte peremptum,  
Et terræ statum timet, & propè ducere gressum  
Formidat, tanto cernens horrore cadauer,  
Quamuis defunctum, quamuis sit lumine cassum:  
Horribilis male dentes formidat acutos.  
Vix ausi tandem circunducuntur in orbem.  
Attoniti spectant proiecta cadauera monstri.  
Illi admirantur rictu triplici ordine natos  
Terribiles, flexos sicuti venabula dentes.  
Ait alij fortis prospexit vulnera ferri,  
Hic spinam proræ similem miratur aduncam,  
Quæ vallo arrigitur longe per terga tremendo:

Nonnulli

Nonnulli caudam spectant, ventrēisque capacem:  
Hi caput immensum perlustrant lumine toruo,  
Atque aliquis cernens horrendo corpore monstrum  
Neptuni, sicca multo tellure videtur  
Maius, quam tumidis cum versabatur in vndis,  
Cunctatus paulo, sic est affatus amicos  
Haud procul adstantes, & voce silentia rupit,  
Alma parens tellus, ego sum tibi charus alumnus,  
Per te sum genitus, mihi grata alimenta dedisti,  
Atque perire tuo gremio, cum venerit hora  
Fatalis liceat: ponti mihi mitia sunt  
Æquora, & à sicca liceat tellure litare  
Neptuno, nec me salsas tam parua per vndas  
Ligna ferant: nunquam ventos & nubila cœli  
Explorare velim. non sunt satis æquoris vndæ,  
Difficilésque maris cursus, durique labores,  
Semper & horrisonas ventorum audire procellas:  
Horrendas etiam metuunt intrare latebras,  
In vastos metuunt monstri descendere hiatus,  
Ut non composito condantur membra sepulchro:  
Congeriemque mali timeo, tellure quiescam,  
Et valeant sæui fluctus, procul æquoris vnda  
Sit placata mihi, faueant pia numina ponti.  
Talia conficiunt ingentia monstra labore,  
Quæ vastos tendunt salsis sub fluctibus artus,  
Et præstant aliis oneroso corpore monstris.  
Haud labor est tantus, capiuntur si qua minora  
In salsis cete lymphis: æquata parantur  
Spicula pontigenum membris, hamique minores,

P

Quos non tam magno pastu, nec fune reducunt.  
Nam pro distentis coriis, & pelle caprina  
Sufficiet lato siccata cucurbita ventre,  
Et trahet è ponto non magno corpore piscem.

Et lamnæ, & catuli pescantibus æquore vasto  
Occurrunt, rabiéque trahunt firmissima vincla  
Remorum in fluctus, sed multo lamna furore  
Rictibus irrumptens magno cum robore fertur:  
At prensi in circo dentes retinentur adunci  
Infixi tanquam nodis mucrone tridentis.  
Haud magno lamnam poteris mactare labore.

Gens furibunda canum inter male olentia cetę  
Præcipue furiunt in ventrem gutture proni,  
Iniuriam faciunt clata mente proterui,  
Et nil formidant, veniant si qua obuia contra,  
Sed rabiem sub corde ferunt, positōque pudore  
Impellunt rapidi gripes, nassisque propinquant,  
Perturbant prædam pescantum, séque saginant.  
Hos aliquis pisces auido sic ventre voraces  
In facilem rapiens prædam forat ære recurvo.

Non hami penetrant phocas, sœuique tridentes.  
Nam duro claudunt pellis sub tegmine membra.  
Sic pisces inter nodosa in retia phocas  
Prædones claudunt, celeres ad littora verrunt.  
Distinctos maculis laqueos: non retia densa  
Hos arcere queunt, discerpunt yngubus atris.  
Retia, & auxilium perituriis piscibus adsunt.  
Pescantes multo turbati corda dolore  
In terram phocas compellunt impete vasto.

Hic hastam, & fortē clauam, validūmque tridentē  
In caput incutiunt, & circum tempora pulsant.  
Nam subita percunt capitīs per vulnera morte.  
Quin & testudo pescantibus obuia damnum  
Afferet, optatæ perturbans munera prædæ.  
Haud labor audaci posito post terga timore  
Surripere è ponto duro sub cortice tectam.  
Si quis se mergat lymphis, vertatque supinam,  
Et quamuis cupiat fatum vitare supremum,  
Non valet, & summo leuiter luctatur in æstu,  
Atque inuersa supra pedibus desyderat vndas.  
Prædones rident, cum mactant cuspide versam,  
Vel quando euellunt torto sub fune reuinctam.  
Et veluti insulsus errans in montibus altis  
Fortè puer, terræ curua testudine capta  
Ponit humi inuersam maculosa in terga iacentem:  
Hæc reuoluta cubans terram calcare virentem  
Affector, leuitérque pedes, & genua labore  
Curua mouet, crebróque salit, ridéntque videntes:  
Sic lato fertur ponto testudo matina,  
Et resupinatum voluit super æquora tergum,  
Et curuum lædunt pescantes per freta monstrum.  
In siccām arripitur terram, cum terga perustam  
A solis radiis versant, voluūntque per æstus  
In ualidam summas pedibus contingere lymphas  
Optantem, & frustra fluitantem marmore vasto.  
Delphinum infelix fugienda est æquore præda.  
Nam qui delphinis sacrī meditabitur atrum  
Exitium, non ille deis per sacra litabit,

Non aræ acceptus puros imponet honores.  
 Totum incestabit tectum, & qui tecta frequentant,  
 Et quantum cædes odit regnator aquarum  
 Humanas, tantum delphini fata perosus.  
 Humano generi similis prudentia fertur,  
 Et Iouis vndisoni seruis: capiuntur amore,  
 Collectique simul pisces focia agmina iungunt,  
 Et sibi conciliant homines, prædámque capeſſunt  
 Communem, atque dolo in pisces armantur eodem.  
 Fluētibus Aegæis, & celsa in Chalcide prædam  
 Piscator fallit, cum vesper claudit olym pum  
 Ænea subfuscum lumen claudente laterna,  
 Delphines mortem properant dare piscibus atram.  
 Ast illi errando magno dant terga pauore,  
 Hi contra pisces pellunt à fluētibus imis  
 Inuisum in littus cupientes æquore labi.  
 Sic manus inuerecunda canum latratibus vrget,  
 Impellitque feram venantibus impete vasto,  
 In terram pulsos cædit mucrone tridentis  
 Piscator, facilem captans de littore prædam.  
 Nulla fuga est miseris, quando à tellure necantur,  
 Atque à delphinis pelluntur marmore lato.  
 Sed postquam felix pescantum præda peracta,  
 Mercedem iusti repetunt certaminis æquam  
 Concordis pugnæ partem, meritumque laboris  
 Suscipiunt homines in prædæ parte libenter:  
 Delphinos si qui fraudant mercede proterue,  
 Non post auxilio vanis pescantibus adsunt.  
 Lesbius incuruo delphino vectus Arion,

Impavidus tumidas sulcauit marmoris vndas,  
Et cantu euasit mortem, fraudesque latronum  
Tænariæ appulsus propè littora grata Laconum.  
Forte aliquis Libyci pueri cognouit amores,  
Dum dicit simas per pascua læta capellas:  
Feruenti delphin puerum complexus amore,  
Gaudebatque simul ludo, calamisque sonoris:  
Hunc pastorali mulcebat fistula cantu,  
Atque greges inter versabat lubrica membra,  
A ponto ad sylvas, mirum, veniebat opacas.  
Nunc etiam pueri notos bene noscit amores  
Æolis, haud vetus est, sed nostro tempore factum,  
Nam delphis pueri miro succensus amore  
Insulæ inhærebat semper, portumque tenebat.  
Ut ciuiis sociis se se disiungere charis  
Non animo fuerat: grato velut incola portu  
A cunis catulus pueri sub moribus infans,  
Eductusque simul fuerat iucundus alumnus:  
Sed cum florentis peregerunt tempora pubis,  
Et iam robusto creuerunt corpore vires,  
Hic inter iuuenes clarus viget æquore delphin,  
Tum mirum visu factum, & mirabile dictu,  
Externas pariter gentes, ciuesque mouebat,  
Multos vicinos acciuit fama, sodales  
Ut videant iuuenem curuum delphina colentem,  
Versantemque simul, multi per littora cœtus,  
Inque dies visunt tanti miracula facti.  
At puer ascendit cymbam, portumque per omnem  
Nomine compellans solito delphina recuruum,

Quo fuerat parvus notus, volat ille sagitta  
Ocyor, & iuueni charo, cymbæque propinquat  
Dilectæ superis, cauda blanditur amica,  
Et capite elatus iuuenem tractare benignum  
Concupit, hic manibus piscem demulcet amicum,  
Et tenet amplexu: grata cupit ille carina  
Vectari iuuenis, sed cum propè ludit in vndis,  
Ponè natat piscis blandus, sequiturque natantem,  
It latus adiungit lateri, mento quoque mentum,  
Et caput inclinat capiti, velut oscula carpat.  
Tu dicas cupidum pectus cum pectore velle  
Iungere, tam magno puerum prope nabat amore.  
Sed cum clamatus delphin stat littora iuxta,  
Demulcetque caput iuuenis, dorsumque natantis  
Insilit, exceptum piscis quocunque iubebat,  
Vectabat puerum lætus: iubet ire per altum,  
Obsequitur: portus gestit sulcare patentes,  
Per portum vehitur: cupiat si littora iuxta,  
Annuit, & chari pueri præcepta capessit.  
Mollis equus flexis non tantum paret habenis,  
Nec canis assuetus tantum venantibus audit,  
Quantum nec fræno delphin, nec tractus habenis,  
Vadit subiectus pueri quocunque voluntas  
Imperat: haud solum vehit hunc, verumque sodales  
Admittit quoscumque iubet, nullumque laborem  
Effugit, ut pueri chari conseruet amorem.  
Tali viuenti delphin gaudebat amico.  
Non tantum serui domini præcepta capessunt,  
Atque opus efficiunt commissum sponte vocati,

Quantum delphinus iuueni parebat amico.  
 At postquam iuuenis vitæ sua fata peregit,  
 Ploranti similis delphin prope littora fertur  
 Æquænum puerum quærens, audire gementis  
 Tum posses voces, effundit pectore luctus  
 Tantos, non aliqua clamatus voce mouetur:  
 Amplius oblatas tristis non accipit escas:  
 Non exauditus ponto, nec littore in illo  
 Amplius est visus, pueri iam morte perempti  
 Est desyderio delphin consumptus amoris,  
 Iam cum defuncto properans occumbere amico.  
 Quamuis delphini conseruent pignus amoris,  
 Quamuis sint homini concordi fœdere iuncti,  
 Crudeles Thraces, vel qui Byzantij in vrbe  
 Degunt, tam mites capientes mente feroci  
 Delphinias, charis natis, canoque parenti  
 Ignouisse queunt, vel dulci parcere fratri  
 Possunt, inuisam capiunt sic æquore prædam:  
 Effætam matrem sectantur ponè gemelli  
 Mollibus assimiles pueris: Thrax durus in istos  
 Armatur celeri cymba, & defertur in æquor  
 Infaustum quærens prædam, qui forte videntes  
 Armatam contra celerem concurrere cymbam  
 Impauidi expectant, nec fraudem corde verentur,  
 Non hominum insidias, non vlla pericula ab illis  
 Applaudunt sicuti sociis, gaudéntque periclo.  
 Hi celeres properant, cæduntque tricuspidetelo,  
 Quod dicunt acidem, telum letale natanti,  
 Delphinum iuuenem, plaga qui tortus acerba

Suspirans imas sese demersit in vndas.  
Viribus enixi non illum educere certant,  
Incassum prædam caperent, vanūmque laborem:  
Sed nauem & funem cupienti abscedere laxant,  
Festinant remis domitum delphina sequentes,  
Quocunque incedat demittunt yincla natanti.  
At postquam multo confectus membra dolore  
Langueat, & duro ferri mucrone foratus,  
Iam tabescentis emergunt fortia membra,  
Et iam defessus, leuibus versatur ab vndis.  
Supremum spirans mater non deserit ynquam,  
Sed suspirantem sequitur, miserèque dolentem,  
Ipsa etiam tristes alto sub corde dolores  
Voluens: tu dicas mœstam plorare parentem,  
Cum captinati direpta ex vrbe trahuntur  
Hostibus in prædam diro certamine martis.  
Sic dulcem natum confossum vulnere plorat,  
Tanquam infixa parens ferro langueret acuto.  
Qui superest, natum mater dimittit, & illa  
Non iubet ire via, longe pellitque fugatque.  
Heu fuge nate, genus nobis hostile virorum  
Non socium. venantur enim nos cuspidi ferri,  
Et iam delphinis indicunt martia bella,  
Concordi violent inter nos fœdera dextra  
Percussa, & superos in fœdera firma vocatos.  
Non habitura sonum natis hæc verba locuta,  
Vnus natorum longe est à matre fugatus:  
Alter contortus letali peste parentem  
Torquet. nam poena mater cruciatur eadem.

Et

Et sequitur natum charum, nec deserit vnquam.  
Non longe à cymba possunt arcere parentem,  
Non si percutiant miseram, quatiántque timore,  
Cum nato trahitur charo mœstissima mater.  
Ut subit hostilem venanti proxima dextram,  
Hostes crudeles non flectunt ferrea corda,  
Et mœstam rapiunt matrem mucrone tridentis,  
Filius, & genitrix fato rapiuntur eodem,  
Non inuita subit in nati funere mortem:  
Et spectat, sentitque libens sua vulnera mater,  
Et veluti serpens, qui tigno na&ctus ab alto  
Alitis est vernæ pullos, sub tecta sonantes  
Mactat, & occisos subicit sub dentibus artus:  
At mater primo grauiter tristata mouetur,  
Effundens tristes natorum in funere questus:  
Sed postquā laceros pullos, absumptaque membra  
Spectat, non mortem vitans, subit ora draconis,  
Voluitur, & dulcis comitatur funera partus:  
Sic festinavit delphini in funere mater  
Ad mortem diris pescantibus obuia facta.

Gentes, quæ duro clauduntur tegmine testæ,  
Quæ serpunt ponto, cum luna impleuerit orbem,  
Fama refert proprio plenas pinguiscere tecto:  
Sed cum multi uagæ decrescunt cornua lunæ,  
Diminui graciles, tali sunt lege coactæ.  
Istarum partem pescator colligit altis  
Fluctibus, & fulua manibus comprendit arena,  
Et partim innatas scopulis discerpit, at illas  
Vndantes iaciunt turbati ad littora fluctus,

Vel in cœnosas mittunt, pelluntque lacunas.

Ast alias inter narratur ventre rapaci  
Purpura, quæ tali piscantis fallitur arte.

Sunt similes calathis connexæ vimine denso,  
Iuncorum nassæ strombos in vimina mittunt,  
Vel pisces duro tectos sub tegmine testæ.

Per thalamum calathi linguam dimitit acutam,  
Quæ gracilis texto nassæ sub vimine gliscens  
Tensa cibum, duros heu prendit lingua sopores,  
Iuncis fixa tumet, & denso vimine cistæ,  
Arctior efficitur lingua, è curuamine texto  
Non remeare potest, sed stat cruciata dolore,  
Purpureo capitur vestes sparsura colore.

Durius haud ullum ponto certamen inesse,  
Nec magis infaustum quam spongas cædere raras  
Famia refert: primo curam potusque cibi que  
Accipiunt, molli nec somno membra resoluunt,  
Ut piscaiores alij, cum promptus in vndis  
Se totum accingit duros perferre labores.  
Nen aliter dulcis venit in certamina cantus  
Et voce, & cythara phœbeo munere doctus:  
Omnes obseruant gestus, omnisque venustas  
Est curæ, ut dulces canat in certamine versus:  
Sic isti obseruant fundi sub marmor ituri,  
Continuo ut teneant flatus, durantque sub vndis.  
Sunt primo experti cum respirare labore  
Contigerit pelagi, quid possint æquore in alto.  
Sed cum tam magno subeunt discrimine pontum,  
Hi precibus diuos, qui regnant æquore in imo,

Orant, ut liceat vitare ingentia cete,  
Et quæ cœruleo nascuntur noxia ponto.  
Si videant piscem pelago cognomine sacrum,  
Tunc animos soluunt, non illo gurgite cete  
Noxia, magnarum non cætera monstra ferarum  
Apparent, fluctus gaudent tranare salubres,  
Et puros, ideo sacrum dixere priores  
Piscem: quo viso gaudent, properantque laborem  
Tunc hominum mediis accingunt ilibus aptum  
Funibus intortis, palmas qui tollit vtrasque,  
Ponderis ingentis plumbum gerit ille sinistra,  
Harpam dextra tenet, niueum vechit ore liquorem.  
Stat celsa in prora, fluctus speculatur in imos,  
Et vastum pontum, & tantos sub mente labores  
Euoluit: socij verbis horrantur amicis,  
Atque animat, veluti erumpentem carcere promptū  
Cursorem, & firmus cum sub discrimine tanto  
Est animus, magno depresso pondere plumbi  
Liuentis, fluctus cum raptim fertur ad imos,  
Lymphis palladium fuscis diffundit oliuum,  
Quod lucet totis late cum spargitur vndis,  
Ac velut obscura flammæ sub nocte resurgent,  
Infixas scopulis spongas prospexit acutis.  
Inter se iunctæ nascuntur caute virenti.  
Irrumpens spongas vibrata falce recidit,  
Ut niessor, rumpitque moras, funequque sodales  
Admonet, ut fundo subito retrahatur ab imo.  
A spongis cæsis tetur quæ spirat odorem,  
Distillat sanies, hominis quæ naribus hæret,

Et sœpe extinguit, nec non tabo enecat atro.  
Ocyor hinc dicto tumidis emergit ab vndis,  
Tu latus mœstusque simul, miserabere fessos  
Artus, & tanto confectum membra labore:  
Languida sub tanto sunt crura soluta timore:  
Inuisam & dira naëtus sub marmore prædam.  
Nam miser in fundo dum se demergit in imo,  
Offendit monstrum ingens, & funibus alto  
Concussit, socios miseranda in fata vocauit,  
Ut sese traherent: illi miserabile visu,  
Truncatum & lacerum corpus sub dentibus atris  
Educunt ponto, & linquunt immania cete,  
A quibus est socius mutilatus dente proteruo,  
Destituuntque maris tractus, pestemque locorum  
In terram adducunt mœsti miserabile corpus,  
Reliquias plorant, socio tristantur adempto.

Tot princeps generose matis narrauimus artes.  
Illæsæ placidas percurrent æquoris vndas  
Naues, & ventis tumeant tua vela secundis:  
Exundet vastum semper tibi piscibus æquor.  
Inconcussa soli seruet radicibus imis  
Fundamenta tenens subter regnator aquarum.